



Broj: 03-1-02-1-1166-2/19  
Sarajevo: 30.12.2019. godine

**MINISTARSTVO PRAVDE I UPRAVE  
KANTONA SARAJEVO  
Ul. R. Džemaludina Čauševića br. 1  
71000 Sarajevo**

**PREDMET:** Zakon o prijavljivanju i postupku provjere podataka o imovini nosioca javnih funkcija u Kantonu Sarajevo, mišljenje – dostavlja se,

**VEZA:** Vaš akt broj: 03-04-02-43574/19 od 16.12.2019. godine

Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt veze u čijem prilogu ste dostavili Zakon o prijavljivanju i postupku provjere podataka o imovini nosioca javnih funkcija u Kantonu Sarajevo („Službene novine Kantona Sarajevo“ broj: 18/19). Od Agencije zahtijevate mišljenje o usklađenosti navedenog zakona sa Zakonom o zaštiti ličnih podataka.

Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

### **MIŠLJENJE**

Nakon izvršene analize Zakona o prijavljivanju i postupku provjere podataka o imovini nosioca javnih funkcija u Kantonu Sarajevo (u daljem tekstu: Zakon o prijavljivanju), Agencija je mišljenja da je isti načelno i suštinski usklađen sa Zakonom o zaštiti ličnih podataka, iako su pojedine odredbe nepotrebne.

Konkretno, u članu 17. stav (3) Zakona o prijavljivanju, neadekvatno je pozivanje na Zakon o zaštiti ličnih podataka, obzirom da je Zakon o zaštiti ličnih podataka opšti propis koji reguliše zaštitu ličnih podataka i da su ga dužni primjenjivati svi javni organi, fizička i pravna lica. S tim u vezi, obaveza da se lični podaci iz registra obrađuju u skladu sa Zakonom o zaštiti ličnih podataka postoji i bez navedene norme.

Nadalje, u članu 19. stav (4) Zakona o prijavljivanju propisano je da „*Smatra se da su obaveznici prijave imovine saglasni sa ovlaštenjima Ureda navedenim u odredbama st. (1), (2) i (3) ovog člana, što se izričito navodi u obrascu prijave.*“

Saglasnost nosioca podataka, kao jedan od pravnih osnova za obradu ličnih podataka, nije adekvatan pravni osnov za rad javnih organa. Naime, saglasnost nosioca podataka je svaka konkretna i svjesna naznaka želje nosioca podataka data slobodnom voljom kojom nosilac podataka daje svoj pristanak da se njegovi lični podaci obrađuju. Rad javnih organa propisan


je zakonom i ne može zavisiti od volje pojedinaca, od kojih bi pojedini dali svoj pristanak a drugi ne, što bi dovelo do nejednakog postupanja javnih organa.

Obzirom na činjenicu da je u članu 19. stavovima (1), (2) i (3) ali i drugim odredbama Zakona o prijavljivanju, propisan osnov i ovlaštenje Ureda da obrađuje lične podatke nosioca javnih funkcija, irelevantan je stav (4) navedenog člana.

S poštovanjem,

**Dostavljeno**

- Naslovu
- Spis predmeta



**DIREKTOR**  
**Petar Kovačević**